

Møteprotokoll

Utvalg: Nasjonalparkstyret for Jotunheimen og Utladalen
Møtested: Vang / Lom / Vågå
Dato: 25.04.2013
Tidspunkt: 11:00

Følgjande faste medlemmer møte:

Navn	Funksjon	Representerer
Mai Bakken	Leiar	
Vidar Eitun	Medlem	
Iselin Jonassen	Medlem	

Følgende medlemmer hadde meldt forfall:

Navn	Funksjon	Representerer
Arild Ingar Læg Reid	MEDL	
Jørاند Ødegaard Lunde	MEDL	
Frida Melvær	MEDL	
Ivar Kvalen	Nestleiar	

Følgende varamedlemmer møte:

Navn	Møtte for	Representerer
Aleksander Øren Heen	Frida Melvær	
Marie Helene Brandsdal	Arild Ingar Læg Reid	

Merknader

Vara for Ivar Kvalen, Marit Aakre Tennø, kunne heller ikkje møte. Tor Jevnheim var kalla inn for Jørاند Ødegaard Lunde, men kunne ikkje møte

Fra administrasjonen møte:

Navn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	SNO

Underskrift:

Vi bekrefter med underskriftene våre at det som er ført på de sidene vi har signert i møteboka, er i samsvar med det som ble vedtatt på møtet.

Vidar Eitun Marie Helene Brandsdal Mai Bakken

Saksliste

Utvalgs- saksnr	Innhold	Lukket	Arkiv- saksnr
ST 7/2013	Godkjenning av protokoll/innkalling		
ST 8/2013	Referatsaker		
RS	Nasjonalparkstyret for Jotunheimen og Utladalen. Generelt 2013. Registrering av ulovleg oppført byggverk		2013/575
RS	Nasjonalparkstyret for Jotunheimen og Utladalen - Administrativt kontaktutvalg		2012/5076
ST 9/2013	Nasjonalparkstyret for Jotunheimen og Utladalen - Bestillingsdialog med Statens naturoppsyn 2013 - prioritering av tildelte midlar		2012/7019
ST 10/2013	Nasjonalparkstyret for Jotunheimen og Utladalen - delegering til arbeidsutvalet		2013/575
ST 11/2013	Nasjonalparkstyret for Jotunheimen og Utladalen - Endring av vedtektene for nasjonalparkstyret - Delegering av myndighet til nasjonalparkforvalter		2013/575
ST 12/2013	Jotunheimen nasjonalpark - Dispensasjon - søknad frå Juvasshytta og Raubergstulen om sikringstiltak/boreboltar på ruta mot Galdhøpiggen -		2013/783
ST 13/2013	Jotunheimen nasjonalpark - Utladalen landskapsvernområde - Dispensasjon - Motorferdsel - 2013-2015 - Motorferdsel ifm. drift og vedlikehold av av turisthytter og kvisting av vinterruter - DNT Oslo og Omegn		2013/1014
ST 14/2013	Jotunheimen nasjonalpark og Utladalen landskapsvernområde - Dispensasjon - Motorferdsel - 2013-2015 - Motorferdsel for frakt av varer og brensel i samband med gjeting av sauer i Guridalen og ved buføring av sauer - Utladalen sameige		2012/4002
ST 15/2013	Utladalen landskapsvernområde - Dispensasjon - 2013 - Justering av vannanlegg for Skogadalsbøen turisthytte og helikoptertransport - DNT Oslo og Omegn		2012/6060
ST 16/2013	Utladalen landskapsvernområde - Dispensasjon - 2013 - Utviding av platting ved inngangsparti Skogadalsbøen - DNT Oslo og Omegn		2013/2633
ST 17/2013	Utladalen landskapsvernområde - Dispensasjon - Motorferdsel - 2013-2014 - Helikoptertransport i samband med nytt tak på steinsel i Guridalen -		2013/2738

	Jorunn K. Yttri	
ST 18/2013	Utladalen landskapsvernområde - Motorferdsel - Dispensasjon - 2013 - Helikoptertransport av material og utstyr til vedlikehold av turisthytta i Stølsmaradalen - DNT Oslo og Omegn	2013/2629
ST 19/2013	Jotunheimen nasjonalpark - Motorferdsel - Dispensasjon - 2013-2015 - Bruk av snøskuter i samband med snømålling - Hydro Energi Sogn	2013/2630

ST 7/2013 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Protokoll frå møte 15.02.13 godkjent.

Vidar Eltun og Marie Helene Brandsdal vart valde til å skrive under protokollen saman med leiar Mai Bakken

ST 8/2013 Referatsaker

Saksprotokoll i Nasjonalparkstyret for Jotunheimen og Utladalen - 25.04.2013

Nasjonalparkstyret for Jotunheimen og Utladalen. Generelt 2013. Registrering av ulovleg oppført byggverk 2013/575

Nasjonalparkstyret for Jotunheimen og Utladalen - Administrativt kontaktutvalg 2012/5076

Vedtak

Referatsakene tekne til etterretning.

ST 9/2013 Nasjonalparkstyret for Jotunheimen og Utladalen - Bestillingsdialog med Statens naturoppsyn 2013 - prioritering av tildelte midlar

Saksprotokoll i Nasjonalparkstyret for Jotunheimen og Utladalen - 25.04.2013

Aleksander Øren Heen opplyste at han sit i styret for stiftinga Utladalen Naturhus, og bad styret om å vurdere habiliteten i høve til spørsmål som gjeld Naturhuset.

Vedtak om habilitet:

Aleksander Øren Heen vert med heimel i § 6 e) i forvaltningslova kjent inhabil i høve til vurderingar som gjeld Naturhuset, og deltok ikkje i diskusjonane som gjeld dette området.

Vidar Eltun stilte spørsmål ved rutinar for tenestekjøp.

Rigmor Solem orienterte om utlysing og framgangsmåte som er nytta.

Marie Helene Brandsdal foreslår å bruke 20.000 av dei frie midlane til *Nasjonalparkfestival*, og auke posten *Informasjonsarbeid ved Naturhuset* til 50.000. Finansiering ved å disponere i alt 40.000 kr av dei frie midlane, slik at det står att 120.000 der.

Mai Bakken viste til forslaget frå Brandsdal, og foreslo å utsetje disponering av dei frie midlane til møtet i mai, der vi vonar å vera fysisk samla i eit felles møte.

Forslaget frå Marie Helene Brandsdal vart behandla som to separate saker, da avviking av festivalen er avhengig av avklaring før mai-møtet:

1. Nasjonalparkfestival: 20.000

Ved avstemming vart det samrøystes vedteke å disponere 20.000 av frie midlar

2. Informasjonsarbeid ved Naturhuset + 20.000

Marie Helene Brandsdal trekte forslaget om avgjerd i dag, og spørsmålet vil bli endeleg behandla i møtet 22. mai.

Vedtak

Nasjonalparkstyret for Jotunheimen og Utladalen prioriterer midlane via bestillingsdialogen slik det går fram av vedlegg 3 i saka; jf tabell under:

Tiltak	Status	Innspel	Prioritering
Skjøtsel			
<i>Skjøtsel Gjendebu</i>	<i>som før</i>	70	30' (+tenestekjøp)
<i>Slått Gjendebu</i>	<i>nytt</i>	30	30'
<i>Skjøtsel Utladalen</i>	<i>som før og nytt</i>	400	350'
Stiarbeid			
<i>Vedlikehald</i>	<i>vedlikehald</i>	100	100'
<i>Nye tiltak</i>	<i>nytt</i>	250	150'
<i>MONA-prosjekt - ferdsel mot Gjende, restaurere kløvsti</i>	<i>nytt</i>	50	50'
Informasjon/innfallsport			
<i>Standardisering eksisterande</i>	<i>vedlikehald</i>	200	0
<i>Eablering av naturstiar (to)</i>	<i>nytt</i>	300	200'
<i>Vurdere og planlegge infrastruktur ved innfallsportane</i>	<i>nytt</i>	70	0
<i>Rollups til turisthyttene</i>	<i>nytt</i>	20	20'
Naturvegleiing			
<i>Naturettleiing</i>	<i>videreføring</i>	400	150'
<i>Informasjonsarbeid Naturhuset</i>	<i>videreføring</i>	70	30'
<i>NP-festival</i>	<i>videreføring</i>	20	20'

Ekstra oppsyn				
	<i>Villrein Jotunheimen Vest</i>	<i>videreføring</i>	<i>10</i>	<i>(Tenestekjøp)</i>
Kartleggingsarbeid				
	<i>Jaktfalk</i>	<i>nytt</i>	<i>20</i>	<i>20'</i>
	<i>Spetter, søk etter kvitryggspett</i>	<i>nytt</i>	<i>30</i>	<i>(Tenestekjøp)</i>
	<i>Apollo-sommerfugl</i>	<i>nytt</i>	<i>30</i>	<i>30'</i>
<i>Sum</i>			<i>2.070</i>	<i>1.180'</i>

80.000 av dei frie midlane til styret inngår i tiltaka, slik at i alt 1.180.000 kroner blir fordelt direkte på tiltak. Styret held att 140.000 for disponering seinare. Det kan bli vurdering av eventuelle nye tiltak i neste styremøte.

Sekretariatet får fullmakt til å foreta mindre interne justeringar mellom tiltaka, i samråd med SNO, dersom det viser seg at ein kan få innsparingar på enkelte prosjekt og behov for noko ekstra på andre postar. Styret får oppdatering på status i første møte etter sommaren.

ST 10/2013 Nasjonalparkstyret for Jotunheimen og Utladalen - delegering til arbeidsutvalet

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen delegerer avgjerdsmakta for følgjande sakstypar til AU:

- Dispensasjonssøknader der det klart går fram av forvaltningsplanen om løyve kan/bør gjevast
- Dispensasjonssøknader som krev særleg rask avgjerd og som har samfunnsmessig betydning
- Irreversible tiltak som f.eks. byggjetiltak og terrenginngrep vert i utgangspunktet ikkje delegert, men AU kan i hastesaker likevel kunne behandle mindre tiltak som t.d. fasadeendring og mindre bygningsmessige tilpassingar på eksisterande bygg og anlegg.
- Søknader om forlenging av dispensasjon frå verneforskriftene, når søkjar har fått løyve tidlegare.

Saker behandla i AU skal refererast for styret i komande møte.

ST 11/2013 Nasjonalparkstyret for Jotunheimen og Utladalen - Endring av vedtektene for nasjonalparkstyret - Delegering av myndighet til nasjonalparkforvalter

Saksprotokoll i Nasjonalparkstyret for Jotunheimen og Utladalen - 25.04.2013

Mai Bakken foreslo at AU vart fortløpende orientert ved e-post.

Vedtak

Nasjonalparkstyret for Jotunheimen og Utladalen gir nasjonalparkforvaltarane myndigheit til å treffe vedtak i alle saker som gjeld søknad om løyve etter følgjande spesifiserte dispensasjonsreglar om ferdsel i verneforskriftene:

- Forskrift om Jotunheimen nasjonalpark datert 05.12.1980: § 3 pkt. 5.3.1, 5.3.2 og 5.3.3.
- Forskrift om Utladalen landskapsvernområde datert 05.12.1980: Punkt IV, 8: «Forvaltningsstyresmakta kan gi løyve til motorferdsel for:
 - transport av materiale til hytter, buer og klopper o.l. og av brensel, proviant og utstyr til hyttene
 - utøving av landbruksdrift»

Myndigheita gjeld ikkje vedtak etter naturmangfaldlova § 48.

Vedtak fatta av nasjonalparkforvaltarane skal vere i tråd med naturmangfaldlova, verneforskriftene og forvaltningsplan. Fram til ny forvaltningsplan er endeleg godkjend, er det naturleg å legge til grunn retningslinene som er gitt i utkastet til forvaltningsplan og etablert praksis.

Delegerte vedtak skal refererast for styret i komande møte, og AU skal fortløpende varslast ved kopi av vedtak i e-post.

ST 12/2013 Jotunheimen nasjonalpark - Dispensasjon - søknad frå Juvasshytta og Raubergstulen om sikringstiltak/boreboltar på ruta mot Galdhøpiggen -

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

1. Før nasjonalparkstyret tek endeleg stilling til spørsmålet om eventuell fjerning av boreboltar som er etablert i kanten av Piggebreen, utan nødvendig godkjenning, vil ein vurdere saka nærare i dialog med søkjar og med aktuelle fagmiljø knytt til sikring og ferdsel i høgjellet.

2. Det blir innkalla til synfaring på seinsommaren 2013, der SNO/oppsyn, minst ein av forvaltarane og eventuelt nokon frå styret og aktuelt fagmiljø deltek saman med søkjar.
3. Fram til saka får si endelege behandling må det ikkje riggast tau som blir ståande oppe når passasjen ikkje er bemanna av dei som har etablert boltane.
4. Dersom det oppstår situasjonar der folk tek i bruk innretningane på ein måte som kan medføre fare, kan styret krevje fjerning på kort varsel – jf. verneforskrifta § 3 pkt. 1 som set forbod mot inngrep av alle slag.

ST 13/2013 Jotunheimen nasjonalpark - Utladalen landskapsvernområde - Dispensasjon - Motorferdsel - 2013-2015 - Motorferdsel ifm. drift og vedlikehold av av turisthytter og kvisting av vinterruter - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen gjev med dette Den Norske Turistforening Oslo og Omegn løyve til motorferdsel i samband med drift og vedlikehald av sine hytter i Jotunheimen nasjonalpark og Utladalen landskapsvernområde. Kva løyvet gjeld og vilkåra for løyve går fram av eige vedlegg.

DNT Oslo og Omegn har etter dette løyvet ansvar for gjennomføringa av motorferdsel knytt til deira verksemd i verneområda. Det er særskild viktig at organisasjonen har gode rutinar for at nye tilsette/aktørar vert gjort kjent med og forstår innhaldet i dette løyvet. Gode rutinar for rapportering vil også bidra å sikre ei god gjennomføring.

ST 14/2013 Jotunheimen nasjonalpark og Utladalen landskapsvernområde - Dispensasjon - Motorferdsel - 2013-2015 - Motorferdsel for frakt av varer og brensel i samband med gjeting av sauer i Guridalen og ved buføring av sauer - Utladalen sameige

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Med heimel i verneforskrifta for Jotunheimen nasjonalpark § 3, pkt. 5.3.1, og verneforskrift for Utladalen landskapsvernområde pkt. IV nr. 8 siste strekpunkt, gjev Nasjonalparkstyret for Jotunheimen og Utladalen løyve til bruk av skuter til transport av

varer og brensel til Guridalen i samband med gjeting, transport av ved og saltsteinar, utkøyring av salt til buføring og under buføring.

- Løyvet gjeld for inntil 10 turar med inntil 3 snøskuterar i tida 1. februar – 15.mai utanom søndagar, heilagdagane og heile påska (palmelaurdag – 1. påskedag). Unntaksvis kan søndagar i april nyttast for å nytte gode snøforhold.
- Intern transport knytt til vedhogst til bruk i Guridalen og uttransport av saltstein skal gjennomførast i samband med turane for transport.
- Løyvet gjeld for 2013, 2014 og 2015.
- Hovudtraseen for skutertransporten er Turtagrø – Keisarpasset, men ved vanskelege snøforhold kan trase Turtagrø – Sognefjellshytta – Vetle Utladalen brukast.
- Omfanget av snøskuterkøyring avgrensar til det som er strengt naudsynt. Bruk av snøskuter skal ikkje lage nemneverdige spor i terrenget.
- Dersom snøforhold skulle verte for vanskelege, kan siste del av transport av varer, brensel og salt gjennomførast med inntil 3 helikopterhiv per år.
- Statens naturoppsyn v/Rigmor Solem (tlf. 959 65 158) skal ha melding seinast dagen før bruk av skuter og rapport om bruk skal sendast nasjonalparkforvaltar innan 1. oktober kvart år.

Nasjonalparkstyret for Jotunheimen og Utladalen vurderar at bruk av inntil 200 kg salt for å lage faste nok snøforhold til buføring av sauer, ikkje vil gje konsentrasjonar av salt som er skadeleg for naturmiljøet. Føresetnadane for denne vurderinga er:

- Salt vert berre brukt der det er naudsynt, dvs. nokre få parsellar.
- Salt skal lagrast forsvarleg slik at det ikkje vert punktavrenning.
- Salt kan leggest ut langs ruta som førebuing til buføring og samlast saman når buføringa er gjennomført.

Med heimel i verneforskrifta for Jotunheimen nasjonalpark § 3, pkt. 1.2, og verneforskrift for Utladalen landskapsvernområde pkt. IV nr. 4 a), gjev Nasjonalparkstyret for Jotunheimen og Utladalen løyve til å plassere inntil 2 kassar som kan romme sekkar med salt for Utladalen Sameige. Løyvet blir gjeve med følgjande vilkår:

- Kassane skal berre brukast til lagring av salt.
- Kassane skal vere tette mot regn og avrenning og vere nøytralt utforma.
- Kassane kan plasserast der det er fornuftig for transport og minst mogleg skjemmaende både om sommaren og vinteren.
- Kassane skal fjernast dersom dei ikkje er naudsynte for buføringa til Guridalen.

ST 15/2013 Utladalen landskapsvernområde - Dispensasjon - 2013 - Justering av vannanlegg for Skogadalsbøen turisthytte og helikoptertransport - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Med heimel i verneforskrift for Utladalen landskapsvernområde pkt. IV, 4e og 8, får DNT Oslo og Omegn løyve til:

- Å flytte inntakskummen for vassforsyninga til Skogadalsbøen turisthytte ca. 3 meter oppstrøms til ein djupare kulp. Kummen kan hevast med ein ring.
- Å leggje om traseen på elvestadrøyret frå siste skøyten (ca. 30 meter frå kum) ut mot og i elva for å få jamnt fall.
- Grave ned vassrøyret ned til turisthytta.
- Helikoptertransport for å frakte inn og ut gravemaskin (2 hiv inn og 2 hiv ut), material til arbeidet (1 hiv inn) og arbeidsmannskap (1 hiv inn og 1 hiv ut).
- Trase for helikoptertransport skal ikkje følgje opp Utladalen frå Årdal.

Løyve er gjeve på følgjande vilkår:

- Gravemaskin skal brukast skånsomt. Terrengeingrep skal haldast på eit minimum, særleg i elvekanten.
- Avdekka toppdekke skal leggst tilbake som topplag for å få rask gjengroing.
- Det skal ryddast opp der inntakskummen står i dag.
- Løyvet til helikopterfrakt gjeld fram til 01.11.2013, men ikkje søndagar og heilag dagar.
- Seinast dagen før helikoptertransport skal DNT Oslo og Omegn gje melding til naturoppsyn Rigmor Solem (mobil 959 65 158) som kan gi beskjed om det må takast spesielle omsyn.
- DNT Oslo og Omegn og forvaltar/SNO skal foreta ei sluttsynfaring på tiltaket, og søkjar kan då bli pålagt ytterlegare tilstelling/opprydding.
- Det skal sendast skriftleg rapport til verneområdestyret ved nasjonalparkforvaltar om gjennomførte helikoptertransportar og om tiltaket innan 01. november.

ST 16/2013 Utladalen landskapsvernområde - Dispensasjon - 2013 - Utviding av platting ved inngangsparti Skogadalsbøen - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen gjev etter verneforskrift for Utladalen landskapsvernområde pkt. IV, 4e og 8 løyve til utviding av platting ved inngangsparti på Skogadalsbøen og helikoptertransport av material. Løyvet er gjeve med følgjande vilkår:

- Løyvet gjeld for 2013 og i tråd med tilsendt skisse. Arealet skal ikkje overstige dei oppgjeve måla på 55 m2.
- Helikoptertransport for å frakte inn byggematerial (inntil 2 hiv inn og 1 hiv ut).
- Trase for helikoptertransport skal ikkje følgje opp Utladalen frå Årdal.
- Ein enkel rapport med bilete skal sendast til nasjonalparkforvaltar per mail innan 01.november.

ST 17/2013 Utladalen landskapsvernområde - Dispensasjon - Motorferdsel - 2013-2014 - Helikoptertransport i samband med nytt tak på steinsel i Guridalen - Jorunn K. Yttri

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen gjev etter verneforskrift for Utladalen landskapsvernområde pkt. IV, 8 løyve til helikoptertransport av material og utstyr for Jorunn K. Yttri. Transporten er knytt tiltak med nytt tak på steinsel i Guridalen. Løyvet er gjeve med følgjande vilkår:

- Løyvet gjeld for inntil 6 hiv i 2013 og 2014.
- Trase for transport skal vere Sognefjellet/Krossbu – Guridalen.
- Transporten skal ikkje på søndagar eller heilagdaggar.
- Seinast dagen før flyging skal SNO v/Rigmor Solem (tlf. 959 65 158) varslast slik at SNO kan gje melding om det må takast spesielle omsyn.
- Ein enkel rapport skal sendast til nasjonalparkforvaltar per mail når tiltaket er gjennomført, seinast innan 01.november 2014.

ST 18/2013 Utladalen landskapsvernområde - Motorferdsel - Dispensasjon - 2013 - Helikoptertransport av material og utstyr til vedlikehold av turisthytta i Stølsmaradalen - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen gjev etter verneforskrift for Utladalen landskapsvernområde pkt. IV, 8 løyve til helikoptertransport av material og handverkarar for DNT Oslo og Omegn til Stølsmaradalen. Transporten er knytt til vedlikehold av sjølvbeteningshytte. Løyvet er gjeve med følgjande vilkår:

- Løyvet gjeld for 3 hiv i perioden 3. – 7. juni (veke 23) i 2013.
- Helikoptertraseen skal følgje vest for Utladalen frå Krossbu. Helikopteret skal ikkje ut over Utladalen grunna sårbare hekkelokalitetar.
- Seinast dagen før flyging skal SNO v/Rigmor Solem (tlf. 959 65 158) varslast slik at SNO kan gje melding om det må takast spesielle omsyn.

Ein enkel rapport skal sendast til nasjonalparkforvaltar per mail innan 01.juli.

ST 19/2013 Jotunheimen nasjonalpark - Motorferdsel - Dispensasjon - 2013-2015 - Bruk av snøskuter i samband med snømåling - Hydro Energi Sogn

Saksprotokoll i Nasjonalparkstyret for Jotunheimen og Utladalen - 25.04.2013

Vedtak

Nasjonalparkstyret for Jotunheimen og Utladalen gjev etter den generelle dispensasjonsregelen i Naturmangfaldslova §48 løyve til Hydro Energi Sogn å bruke snøskuter i samband med snømåling til målepunkt ved Prestesteinsvatn og i Ringsdalen. Løyvet er gjeve med følgjande vilkår:

- Løyvet gjeld for 1 tur til kvar av målepunkta med inntil 2 snøskuterar i april månad.
- Løyvet gjeld for 2013, 2014 og 2015
- Seinast dagen før skal SNO v/Rigmor Solem (tlf. 959 65 158) varslast slik at SNO kan gje melding om det må takast spesielle omsyn, særleg villrein.
- Ein enkel rapport skal sendast til nasjonalparkforvaltar per mail innan 01.juli kvart år.